

Bosna i Hercegovina
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
ZENICA
Broj: T04 0 KT 0063621 25
Zenica, 18.07.2025. godine

HITNO PRITVOR

OPĆINSKOM SUDU U ...
-Sudiji za prethodno saslušanje-

...

Na osnovu člana 45. stav 2. tačka i) i člana 241. stav 1. Zakona o krivičnom postupku FBiH, podižem

OPTUŽNICU

Protiv:

M. E., osuđivan, zastupan po braniocu T. S. advokatu iz ..., **nalazi se u pritvoru po Rješenju Općinskog suda iz ... broj: ... od 02.05.2025. godine počev od 30.04.2025. godine, a koji je Rješenjem istoga suda produžen za još 2 mjeseca i može trajati do 30.07.2025. godine do 16,00 sati,**

što je:

Dana 30.04.2025. godine, u vremenu od 00,20 do 05,00 sati, u ..., tokom boravka u stanu T. B. koji se nalazi u ulici ..., a sa kojom je od ranije bio u ljubavnoj vezi i imao spolne odnose, upotrebom sile i prijetnje da će izravno napasti na njen život i tijelo istu prisilio na spolni odnošaj ili s njim izjednačenu spolnu radnju tako što je vičući prvo istu ošamario od kog udarca je B. pala na ležaj kada joj je čupajući kosu prislonio kuhinjski nož žuto-bijele boje sa rebrastim sječivom dužine oko 20 centimetara i natpisom „...“ ispod grla istovremeno govoreći: „K*, ti ćeš mene valjati, ubit ću te, imam pištolj, ti ćeš biti završena večeras“ pri čemu joj je i sam pod uticajem psihoaktivne supstance „Amfetamin“ poznatije kao opojna droga „Speed“ u usta pokušao staviti kuglu pomenute opojne droge čemu se B. opirala kada je obzirom da je imala menstrualni ciklus dobila „odljev“ zbog čega je uzela i smotala prekrivač sa sećije na kojoj se nalazila njena menstrualna krv i otišla u kupatilo gdje se presvukla i obukla „body“ te mu po izlasku rekla da se osjeća loše jer ima i astmu, tražila da je E. zagrli što je on i učinio da bi on nedugo zatim svojim rukama uhvatio njenu glavu i gurnuo nadole sa namjerom da tako oralno zadovolji svoj spolni nagon a koje prilike je B. od njega zatražila da joj pronađe pumpicu za astmu jer se i dalje osjećala loše, zbog čega je E. polio vodom i dao joj tabletu „Bosaurina“ da popije a zatim skinuo sve sa iste pa u namjeri da zadovolji svoj spolni nagon, a bez njenog pristanka, gurnuo svoj polni organ u njen vaginalni otvor poslije čega je sa istom namjerom i takođe bez njenog pristanka isti stavio u njena usta i „ejakulirao“, pa kada je poslije toga vidio krv na ležaju i da se B. i dalje osjećala loše pomogao joj da ustane i odnio do tuš kabine da se okupa što je ova uz njegovu pomoć učinila a poslije toga promijenila posteljinu u spavaćoj sobi i pospremila stan za koje vrijeme je E. zaspao što je B. iskoristila i oko 07,00 sati izašla iz svoga stana, te u međuvremenu otišla u PS Centar PU I ... i prijavila

gore navedeni događaj, čime je M. E. na gore opisani način upotrebom sile i ozbiljne prijetnje svjesno zadovoljio svoj spolni nagon i izvršio spolni odnošaj ili s njim izjednačenu spolnu radnju,

dakle, upotrebom sile i prijetnjom da će napast na njen život ili tijelo prisilio drugu osobu na spolni odnošaj ili s njom izjednačenu spolnu radnju,

čime je počinio krivično djelo Silovanje iz člana 203. stav 1. KZ F BiH.